

興山縣志卷二十二

列女傳

史傳之有列女始於後漢王嬙以山僻一女子羈縻匈奴且數十年兵息民安而漢書無傳其事蹟乃雜見於匈奴傳中史記巴蜀寡婦清傳以貨殖著而女嬃之賢無聞然則列女之湮滅不彰者豈少也哉興山歷代史列女無傳因取女嬃王嬙與近代節烈貞孝婦女事蹟卓著者依次為傳凡十餘人視史例稍寬云

周

女嬃屈原姊原有賢姊聞原放逐來歸諭令自寬見水經

漢

王嬙王氏女字昭君南郡秭歸人也見漢書元帝紀竟甯元年呼

韓邪單于入朝自言願壻漢氏以自親元帝以昭君賜單于單于

興山縣志

卷二十二

列女傳

驩喜王昭君號甯胡閼氏生一男伊屠智牙師為右日逐王呼韓

邪單于死子復株系若鞮單于立復妻王昭君生二女長女云為

須卜居次小女為當于居次漢平帝幼王莽秉政迺風單于令遣

王昭君女須卜居次云入侍太后所以賞賜之甚厚見漢書匈奴傳

案後漢

書南匈奴傳王昭君字嬙南郡人也初元帝時以良家子選入掖庭時呼韓邪來朝帝勅以宮女五人賜之昭君入宮數歲不得見御積悲怨乃請掖庭令求行呼韓邪臨辭大會帝召五女以示之昭君豐容靚飾光明漢宮顧影裴回竦動左右帝見大驚意欲留之而難於失信遂與匈奴生二子及呼韓邪死其前閼氏子代立欲妻之昭君上書求歸成帝勅令從胡俗復為後單于閼氏又案蔡邕琴操王昭君者齊國王穰女也顏色皎潔聞於國中獻於孝元帝詔不幸納積五六年昭君心有怨曠為不飾其形容元帝每歷後宮疎畧不過其處後單于遣使者朝賀元帝陳設倡樂乃令後宮粧出昭君怨恚日久乃便修飾善教盛服光輝而出俱列坐元帝謂使者曰單于何所願樂對曰珍奇怪物皆悉自備惟婦人醜陋不如中國乃令後宮欲至單于者起昭君喟然越席而前曰妾幸得備在後宮羸醜鄙陋不合陛下之心誠願得行帝大驚悔之良久太息曰朕已誤矣遂以與之昭君至單于心思不樂乃作怨曠思惟歌曰秋木萋萋其葉萎黃有鳥處山集于苞桑養育毛羽形容生光既得升雲上游曲房離宮絕曠身體摧藏志忿抑



沈不得頤頤雖得委食心有徊徨我獨伊何來往變常翩翩之燕  
遠集西羌高山峩峩河水泱泱父兮母兮道悠且長嗚呼哀哉憂  
心惻傷昭君有子曰世達單于死世達繼立凡為胡者父死妻母  
昭君問世達曰汝為漢也為胡也世達曰欲為胡耳昭君乃吞藥  
自殺又案西京雜記元帝後宮既多使畫工圖形按圖召幸官  
人皆賂畫工昭君不與乃惡圖之後匈奴求美人為闕氏以昭君  
行及召見為後宮第一畫工毛延壽棄市又案陵陽集昭君南  
郡人今秭歸縣有昭君村村人生女必灼艾炙其面慮其色選故  
也昭君卒葬匈奴謂之青塚  
晉以文王諱故號明妃云

明

敖融妻馮氏年十七夫亡閉門自縊家人救免遺腹生一子茹貧

自矢有司旌之見一統志

諸生高維遠妻簡氏父而可官潯州府知府順治三年李赤心等

竄興山維遠舉家被獲簡氏度不免與女攜手投巖死維遠自有

傳案舊志簡氏死節為崇禎十二年事茲據  
雍正時貢生楊天育高氏家傳說改正

王運達妻姜氏崇禎末與運達同被賊掠賊欲污之姜氏不從賊

### 興山縣志

#### 卷二十二

##### 列女傳

二

以刃脅之姜氏曰釋吾夫則可賊釋運達姜氏度運達去遠遂投

崖死同時被賊掠者又有二人一曰簡三緘妻鄒氏與三緘同被

賊掠給賊釋三緘乃投崖死三緘知之亦投崖死一曰萬全珣妻

鄭氏賊強之行鄭氏踞地大罵賊怒殺之

諸生金宸祚妻譚氏賊殺其夫欲奪之譚氏觸石死同時死賊者

又有諸生郭天祚妻顏氏被賊掠強之行不從乘間自刎死

國朝

知縣王堯祚妻張氏父問行明萬厯中貢生官教諭張氏事姑維

謹姑年八十有五不能飲食張氏乳哺之姑病泣侍湯藥執喪盡

哀人稱其孝堯祚自有傳

姚美常妻金氏嘉慶三年教匪擾縣境金氏為賊所得義不受污

投崖死于世珩見金氏死亦投崖以殉道光六年學政王贈芳旌



其廬曰母烈子孝

陳光宗妻舒氏嘉慶五年教匪擾縣境舒氏避賊建陽坪八月初十日爲賊所掠欲污之舒氏罵不絕口賊怒殺之時年三十有六年奉旌建坊子長學醇廩生次洛學醇出繼光宗弟光儒爲後以學行著

外委彭宗堯妻陳氏嘉慶六年教匪擾縣境陳氏攜二女從姑田氏走避賊賊猝至獲陳氏欲污之陳氏大罵賊殺二女以脅之罵益厲賊乃殺之田氏亦傷未及死咸豐十年奉旌

袁漢妻陳氏事病姑田氏維謹嘉慶初教匪擾縣境陳氏負姑崎嶇山谷間獲免於難後事繼姑谷氏姚氏亦以孝聞初瑛死陳氏年十九無子立夫兄子世宗爲後有欲奪其志者陳氏以死爭之卒能守節以終卒年九十

興山縣志

卷二十二

列女傳

三

姚成龍女字翠娥許嫁歸州向氏向氏子暴卒成訟女衰絰往臨詣官陳狀寃得雪守節以終

高士珍女字冬梅幼許嫁袁氏子袁氏子旣長病不能言遂悔盟女知之自縊死咸豐十年奉旌

黃相珠女父母老而無子女矢志終養父歿母多病奉母益謹母歿女年四十建祠祀親不嫁以終咸豐十一年奉旌

邱瓊林妻孫氏歸州人幼許嫁瓊林同治十三年瓊林未婚病歿孫氏年十八奔喪守節立夫兄貢生春林之子爲嗣撫孤奉親毀容矢志先是孫氏在室時事母克孝光緒九年母病篤孫氏病亦數月力疾歸甯病遂不起光緒十年奉旌